



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

**Acta Synodalia Osnabrvgensis Ecclesiæ, Ab Anno Christi  
MDCXXVIII.**

**Brogberen, Johannes**

**Coloniæ Agrippinæ, 1657**

Decretvm XVIII. De fine sessionis hujus Synodalis, & inductione proximae.

**urn:nbn:de:hbz:466:1-14298**

putamus, ut si qui se læsos aut defraudatos fentiant, querelas ad eum deferant, & abalienata pro posse recuperare, ipsius Consilio & auxilio, studeant.

## DECRETUM XV.

Quandoquidem nonnulla beneficia diversis in locis Nostræ Dicecclis, & præfertim in territoriis Dicecclanæ Nostræ jurisdictiōni subiectis, à Laicis & potentioribus supprimantur aut alienentur. Hinc D. Bernardum Matthiæ SS. Theologæ Doctorem, Canonicum ad S. Ioannem, Consilium nostrum Confitoriale, nec non Sigilliferum nostrum, ad hoc constituimus ac denominamus; ut is singularem eorum curam habeat, & redditus ad usum debitum, & nostram ordinationem accommodet.

## DECRETUM XVI.

*De Subsidio Charitativo.*

Cum juxta sacrorum Canonum statuta, & antiquam consuetudinem hujus & aliarum Ecclesiarum, Cathedralium, Synodi tempore, & subsidium charitativum singulis legitimis Episcopis debeatur, nec non juxta Concilium Tridentinum, uterque Clerus ad Contributio-  
nem seminarii, teneatur, Nos, consideratis horum temporum incommodis, uti haec tenus, ex singulari gratia id ipsum remittimus, iura tamen Nostra in meliora tempora reservantes.

## DECRETUM XVII.

His finitis, cum instare hora duodecima, accessit Secretarius Synodi ad Illustrissimum & petuit, an placeat indici finem hujus primæ sessionis synodalis, & indictionem proximam.

Respondente Illustrissimo placet, certum que tempus pro secunda sessione determinante, Secretarius Synodi in suggestu indixit finem hujus sessionis, & continuationem proximam, in hac verba.

## DECRETUM XVIII.

*De fine sessionis hujus Synodalis, & in-  
dictione proxima.*

Illustrissima S. Celsitudo decernit Synodi hanc primam sessionem nunc finiendam; ac proinde mandat omnibus & singulis, ut cras hora septima sacro funebri solenni pro defunctis Episcopis, Prælatis, Canonicis, aliquique de Clero Osnabrugensi, præfertim, qui à proxima Synodo obierunt in Cathedrali, habendo intersint, prius tamen qui legitime impediti non sunt, in Cathedrali, vel alias Ecclesiis, tempestive pro iisdem celebrent.

Mandat præterea, ne quisquam à loco hoc discedat, priusquam ipamet S. Illustrissima Celsitudo hinc abierit, nec vero raptim, turbulenterve, sed gravi ac decoro incessu id faciant; vult insuper Illustrissima S. Celsitudo, ut hodie post prandium, ad secundam pomridianam, omnes per Decanatus instituant scrutinium in hoc loco Synodali, & qui vocabuntur pro examine, vel alias, habebunt propinenda coram sua Illustrissima Celsitudine debite compareant.

*Post h.c Promotores Synodi insisterunt accersito Notario contra contumaciam absentium, & requisitus Notarius Synodi pro conficiendis Instrumentis de iis, que in hac sessione synodali, peracta fuerunt. Orationes item habitæ mentales, ut in quinta Synodo. Data etiam benedictio, manu tantum ab Illustrissima ac Reverendissima S. Celsitudine nihil dicendo, prout in Pontificali Romano. Reliqua omnia, ut in Synodo quinta, fol. 303. usque ad secundam sessionem excusivæ, peracta fuerant.*

Omnibus in prima sessione peractis, dum Illustrissimus è loco synodali exiret, prius, omnes, & singulos quibus placererit, ad prandium in Residentia sua, per Magistrum Ceremoniarum; præfertim qui longius hinc distabant, ad evitandos iplorum sumptus ex speciali gratia invitari fecit, comparuerunt plerique omnes, & in eodem loco in distinctis mensis pro qualitate personarum, honorifice ac decenter, tractati fuerunt.

*In loco refectoriis, lectione mensa habita per Capellum Illustrissimi ex concionibus priorum sacerdotum, nonnulla etiam ex libello Triumphi, de quo supra, subiuncta fuerunt.*

Post mensam, peractis Deo gratiis, substitut nonnihil in loco prandii, Illustrissimus ac Reverendissimus Princeps, & singuli, audientiam habere cupientes, ad eandem admisi fuerunt: Hora i. datum signum ad Vesperas.

Ad medium horæ secundæ magna Campana Clerus Pastorum per Capitula sex Decanatus pro examine & scrutinio inter singulos Decanatus faciendo, ad locum synodalem convocatus, comparuit.

Hora secunda, Illustrissima S. Celsitudo Rotchetto, Cruce pastorali, Mozetta & Breto rubro induita, ad locum Synodalem subsecuta fuit, ut primum euædem ingressa est, ad privatum & specialiter ad id preparatum cubiculum, perrexit, & diversa Cleri gravamina à singulis, audientiam potentibus, una cum Consiliariis suis Ecclesiasticis, perceperit, multaque privatorum correctit, & in melius ordinavit.

Interim in loco synodali contigo scrutinium; & quid per Decanatus peractum, relatio per singulos Decanos, una cum Camerariis Illustrissime S. Celsitudini facta, usque ad septimam noctis.